

20.maj 2020

UPA2020/43

### **Pissutsit immikkut ittut inuiaqatigiinnut kalaallinut immikkut pingaarutillit (Covid-19 pissutsit) pillugit Naalackersuisut Siulittaasuanit nassuiaat.**

(Naalackersuisut Siulittaasuat)

Allarniutigalugu Naalackersuisut Siulittaasuat naalackersuisullu tamarmik nualluussuup tuniluuttut Covid-19-ip siaruatsaalineranut politikikkut siuttuulluarnerannik nersualaarumavagut qujasuteqarfigalugillu. Partiit siulittaasui tunuliaqutaalluarneri suleqataalluarnerilu annertuumik toqqisimatitsinerinut qujanarsuaq.

Pingaarnertut peqqinnissaqarfimmi sullittut, Nakorsaanerup politiillu sulingasuarnerinut aammalu suliasap kivinneranni nersugassamik sulisimanerinut sullinnerinullu nasaarfigaakka.

Maanna misilittagarilersimasat aammalu siunissamut isigisumut periusissioarniarmi isiginiagassat aammalu siunniussassat Naalackersuisut Siulittaasuata saqqummiussai ilassilluarpavut.

Saqqummiunneqartuni tunngaviuvoq nunap ammaakkiartornissaanut periusissaq. Eqqarsarnarsinnaagualarpoq periusissiami sorpassuit iserfigineqartariaqarnerini kisianni tamanna immikkuualut-tukkuutaartariaqarnera isumaqarfigaarput, soorlu peqqinnissaqarfimmi suliniarnermi periusissiaq, sulisoqarnermi eqqorneqarnermi periusissiaq, angallannikkut sillimaniarnermi periusissiaq ilaalu ilanngullugit. Uani immikkut nunap ammariartuaaqqinnerani tikittartut aallartartut qanoq periusaqarfigineqarnissai tunngavigineqarnerat immikkut aallullugu tunuliaqutsiiniarneq periutsitut kisanartutut isigaarput.

Eqqarsaatersuutigineqartut tamarmik periusissiaqarnikkut arlaalluunniit toqqassagaluaaraanni tamarmik kingunerisinnaaratarsinnaasaannik tikkuussisut assut iluarisimaarnarput.

Periusissiat aappaat inassutigineqartoq tassalu aallarnissaq ullut marluk sioqqullugu aammalu tike-reernerup kingorna ullut tallimassaanni coronamut misissortittarnissaq kiisalu sapaatip akunneran-nut tikittut annerpaamik 600-it ataqatigiissinneqartarnissaat.

Inassutigineqartumut tunuliaqutaavugut.

Nunap ammaakkiartorneqarnerani eqqarsaatersuut alla apuukkusupparput aammalu isumaqarluta nunatsinnut isaasussat pillugit piumasaqaateqartarnissamut eqqarsaat apuukkusullutigu.

# Nunatta Qitornai

## Inatsisartuni



Paasilluarsinnaavagut suliffeqarfiit nunap ammaanneqarnissaanut utaqqikatattoqarnerani, aammalu paasilluarsinnaavagut sulisut aammalu sulumasut maannakkut angallannerup nunallu matoqqagallartinneqarnerani aningaasatigut annertuumik annaasaqaatigisaqarnertik pillugu nunap ammaqinnissaanut utaqqikatassinnaasut.

Taamaattoq aamma nassuerutigineqartariaqarpoq aningaasatigut annaasaqaatit nunatsinni kisimik piunngimmata, kisiannili nunarsuaq tamakkerlugu annertuumik aningaasatigut ajalusoorneq piuvoq piussaarlugu. Kisimiinngilagut. Nunat amerlaqaat maannakkoqqissaaq suli tuniluussuuffiusut aammalu suli toqorarfiusut. Nunarsuarmi imminut takujumaneq, tikeraarumaneq aammalu takornariarumaneq annertuumik tunuarsimaarfigineqarpoq aammalu siviluumik suli taamaassasoq naatsorsuutigisariaqarparput. Takornariarfissat angalaarfissat inuppassuit eqqarsaataaniinngaat, kisiannili imminut illersornissaq, tunillatsinnaveersaarnissaq aammalu nikippallaarnaveersarneq pingaarnertut periuserineqarpoq.

Nunatta aningaasarsiorsinnaanera kisiat isiginaveersaartariaqarparput. Takornarissaniit isertitassamininnguavut iluatigiinnarlugit nalunngereerlugu siornatigitulli annikinnerujussuarmik isertitsiffigisussaallutigit nunarput takornarissanut ammaatiarpallaarneratigut nualluussuup tuniluuttut eqquteratarnissaanut innuttaasut ulorianartorsiortinneqarsinnaanerput, toqqissisimajunnaarsinneqarsinnaanerput uaneralaarsuarmiippoq. Aningasamininnguit isertitassap piinnarlugit inuiannguusugut nappaalalernitsigut angingaartumik akisunaarartarsinnaavarput, tamannalu aningaasanit naleqarneroqaaq paasariaqarparpullu.

Maannakkut miarnersornikkut aammalu coronarfiunngitsutut isigineqaatigisassatsinnik tusaamaneqaatigilerumaarparput siunissamut nunatut toqqissisimanartutut tikitassaqqitsutullu nalileneqaatigisinnaasatsinnik. Tamannalu siunertarisariaqaripput isumaqarpuq.

Hotline tassaasoq corona pillugu oqarasuaatikkut paasiniaasarfik sulilluarsimaneranut qutsavigaavut. Pilersinneqarnissaannik aaliangertoqariartoq ingerlaannartumik atuutilersinneqarnissaannik sullinneri, angerlarsimaffimminniit sullillutik siunnersuinerminni peqataasut tamaasa nersualaarumavagut. Ilanngullugulu oqaatigiumallugu oqarasuaatikkut siunnersuinerminni aamma pisariaqartinneqartut tassaammata apeqqutit peqqinnissaqarnermuinnaanngitsunut sammisut tassalu: Suliffeerunninnut qanoq iliussaanga, sillimmasiisarnermut tunngasut qanoq iliussaanga, ilaqutariit-tut qanoq iliussuugut, qeqartoornermi qanoq mianersussuugut, allatigullu apeqquterpassuit innuttaasunit coronap atuunnerani eqqorneqartut tassunga attuumassuteqartut pillugit pisortanit aki-neqartariaqartut pisariaqartinneqartut periusissiami eqqaamaneqassasut kaammattuutigaarput. Taamatut naatsumik oqaaseqarlut periusissiaq 2 Naalakkersuisut siulittaasuannit inassutigineqartoq tunuliaqutserparput.